

## **Siunissami sullissinissamut isumaqatigiissutit sorliit pisariaqartinnerlugit oqallisissiatut siunnersuut**

(Nivi Rosing, Inuit Ataqtigiit)

### **Akissuteqaat**

(Naalackersuisut Siulittaasuat)

Siunissami sullissinissamut isumaqatigiissutit sorliit pisariaqartinnerivut pillugit oqallisissiatut siunnersuummut saqqummiunneqartumut Naalackersuisut qujassuteqarput. Sullissinissamut isumaqatigiissutit tigussaasut kiisalu namminersorlutik oqartussanit pigineqartut selskabit pillugit pingaarnertut piginnittuunermut politiki pillugu pitsaasumik oqallinnissamut periarfissiivoq.

Pilersuisussaataaneq aamma nuna tamakkerlugu attaveqaasersuutit pioreersut eqqarsaatigalugit sullissinissamut isumaqatigiissutit qitiusumik inissisimapput, ingammik piffinni pisortatigoortumik taperneqanngikkaanni aningaasarsiutigalugu ingerlatsineq periarfissaanngikkaangat. Taamaattumik piffinni aningaasarsiutigalugu sullitatigut tunngavissaqarfiusutut isigineqanngitsuni ikorfartorneqanngitsunilu sullissinissamut isumaqatigiissutit atuuffeqarput.

Assersuutigalugu ilaasunik angallassinermi sullissinissamut isumaqatigiissutit eqqarsaatigalugit tunngavissarititaasut sisamat Naalackersuisut malittarpaat: Angallanneqarnissamut periarfissaqanngikkaanni, angalanissamut akigitat pissutigalugit amerlaqisut angalasinnaanngikkaangata, ilaasukippallaaraangat, imaluunniit angallannikkut ilusilersukkat ataqtigiinnerat ajorpallaaraangat.

Sullissinissamut isumaqatigiissutit illuatungerisanut soqtiginnittunut neqeroortigineqaraangat toqqaanissamik piumasaqaatit arlallit oqimaalutarneqartarput. Eqqaasitsissutigissallugu pingaaruteqarpoq isumaqatigiissuteqarnermi akia kisiat aallaavigineqarneq ajormat. Piumasaqaatinut aamma ilaapput atortut pioreersut, allatigut angallanermi attaveqaatitigut ataqtigiinneq kiisalu atortulersuutitigut pioreersunik ataqtigiissitsineq. Naalackersuisut sullissisunik attuumassutilinnik ingerlaavartumik ataatsimeeqateqartarput taakku pisussaaffitsik naammassineraat qulakkeerniarlugu, aammalumi suliniutit pisariaqartut ataavartumik oqaloqatigiissutineqartarlutik inuiaqtigiit pisariaqartitaasa ineriartornerat malillugu sullissineq ineriartorniassammat.

Ingerlatseqatigiiffiit Namminersorlutik Oqartussanit pigineqartut niuernerpalaartumik anguniagallit aktiaateqarluni ingerlatseqatigiiffittut ingerlasuupput, kisianilii aamma politikikkut siunertanik isumaginnillutik. Ingerlatseqatigiiffiit aningaasaqarnikkut imminut napatissinnaanerup aamma inuiaqtigiinni pisussaaffeqarnerup akornanni oqimaaqatigiisitsissapput. Tassunga atatillugu pingaaruteqarpoq aalajangiusimassallugu sullissinermut aamma qularutissaanngitsumik aningaasartuuteqarneruneq matussuserniarlugu qaffasinnerusumik piumasaqaateqartoqartariaqarnera. Nunatta Karsianut annertunerusumik nanertuutaassanngippat naggataatigut innuttaasut akiliinerusalissapput. Tassa taanna oqimaaqatigiisitsiniarnermi ajornartorsiutigaarput.

Taamaattumik Naalackersuisut siunnersuutigaat, sullissinissamik isumaqatigiissutit pingaarnertut kikkunnut tunngatinneqassanersut Inatsisartuni oqallinnermi aallaavigineqassasut, matumani inunnut, suliffeqarfinnut imaluunniit sumi najugaqassuseq

eqqartorneqartillugu kiisalu qaffasissuseq qanoq ittoq kissaatigineqartoq qulakkeerneqassanersoq.

Taamaattumik oqallinnermi matumani pissusissamisuusaaq Inatsisartut isummerpata sullissinissamut isumaqatigiissutit pingaarnertut kikkunnoortuussanersut, innuttaasunut, suliffeqarfinnut nunalluunniit immikkoortuinut aalajangersimasunut, kiisalu qanoq annertutigisut qulakkeerneqassanersut. Isumaqatigiissutit aningaasaqarnikkut akisussaassuteqartuunissaat kiisalu sullissinerup naammaginaruunissaa Naalakkersuisut qulakkiissavaat.

2023-mi IA, Siumut, Demokraatit aamma Atassut amerlanerussuteqarlutik piginnittuunermut politikimut atatillugu isumaqatigiissuteqarput. Isumaqatigiissut ukiumoortumik killiffissiornissamut periarfissaqartitsivoq ukiullu tallimat qaangiutereersut tamakkiisumik nalilersuisoqarsinnaatitsilluni. Naalakkersuisut killiffissiornermut peqataanissamut qilanaarput, ingerlatseqatigiiffiit aningaasaqarneri nunattalu karsianut siunissami tapeeqataasinnaaffii oqaluuserisinnaaniassagatsigit.

Taamatut oqaaseqarlutik pissarsiffiusussamik pitsaasumillu oqallittoqarnissaanut Naalakkersuit qilanaarput.